

თელავის მუნიციპალიტეტის საკრებულოს
ბიუროს სხდომის

ოქმი № 18

„21“ სექტემბერი 2018 წ.

ქ. თელავი

თავმჯდომარეობდა : თელავის მუნიციპალიტეტის საკრებულოს თავმჯდომარე
არჩილი თხლაშიძე

სხდომას ესწრებოდნენ ბიუროს წევრები:

საკრებულოს თავმჯდომარის მოადგილე გიგა ორკოდაშვილი, სივრცით-ტერიტორიული დაგეგმარების, ინფრასტრუქტურის და ბუნებრივი რესურსების კომისიის თავმჯდომარე დავით ლაღანიძე, საფინანსო-საბიუჯეტო კომისიის თავმჯდომარე დავით გოგოშვილი, ეკონომიკისა და ქონების მართვის საქმეთა კომისიის თავმჯდომარე ალექსანდრე შათირიშვილი, ფრაქციის „ქართული ოცნება-დემოკრატიული საქართველო“ თავმჯდომარე ლევან ლილუაშვილი, ფრაქციის „ქართული ოცნება - კონსერვატორები“ თავმჯდომარე მათა მარკოზაშვილი, ფრაქციის „საქართველოს პატრიოტთა ალიანსი“ თავმჯდომარე არჩილ თვალთაშვილი, ფრაქციის „ერთიანი ნაციონალური მოძრაობა“ თავმჯდომარე ალექსი ძულიაშვილი.

სხდომას აგრეთვე ესწრებოდნენ:

თელავის მუნიციპალიტეტის მერიის იურიდიული სამსახურის უფროსი ლევან ბერძენაშვილი, ეკონომიკური განვითარებისა და ქონების მართვის სამსახურის ქონების მართვის განყოფილების უფროსი დიმიტრი ზაქაძე და უფროსი სპეციალისტი ლალი მერაბიშვილი.

საკრებულოს აპარატის უფროსი ტარიელ გალახვარიძე.

სამანდატო, საპროცედურო და იურიდიულ საკითხთა კომისიის მოწვეული სპეციალისტი მედეა ჩაფურიშვილი.

დაინტერესებული პირი კახაბერ ძამუკაშვილი.

დღის წესრიგი:

1. ფრაქციის „ქართული ოცნება-მწვანეები“ დაფუძნების შესახებ.
2. თელავის მუნიციპალიტეტის საკრებულოს მორიგი სხდომის დღის წესრიგის დამტკიცების შესახებ.

1. მოისმინეს: ფრაქციის „ქართული ოცნება-მწვანეები“ დაფუძნების შესახებ.

სამანდატო, საპროცედურო და იურიდიულ საკითხთა კომისიის მოწვეულმა სპეციალისტმა მედეა ჩაფურიშვილმა აღნიშნა, რომ კომისიის სხდომაზე განხილულ იქნა ფრაქციის „ქართული-ოცნება-მწვანეები“ სადამფუძნებლო დოკუმენტაცია და შესაბამისად მომზადებულია კომისიის დასკვნა.

გადაწყვიტეს: ფრაქციის „ქართული-ოცნება-მწვანეები“ დაფუძნების საკითხი შეტანილ იქნეს საკრებულოს მორიგი სხდომის დღის წესრიგში.

2. მოისმინეს: თელავის მუნიციპალიტეტის საკრებულოს მორიგი სხდომის დღის წესრიგის დამტკიცების შესახებ.

აზრი გამოთქვეს: ბიუროს წევრების: ა.ძულიაშვილის, დ.ღაღანიძის, ა.შათირიშვილის მიერ აღინიშნა, რომ მოძრავი ქონების პირდაპირი განკარგვის წესით, დროებით სარგებლობის უფლებით უსასყიდლოდ გადაცემა არ არის მიზანშეწონილი, რადგან არ არის გამოკვეთილი მუნიციპალიტეტის ინტერესი, ასევე მნიშვნელოვანია ვიცოდეთ რა შეღავათებს მიიღებს მოსახლეობა იმ შემთხვევაში თუ ქონებას გადავცემთ პროექტში მითითებულ ფიზიკურ პირს. აღნიშნულიდან გამომდინარე, საკითხი უნდა მომზადდეს სრულყოფილად და საკრებულოს სხდომის დღის წესრიგში არ უნდა იქნეს შეტანილი.

2018 წლის 30 ივლისის N41 განკარგულებაში შესატან ცვლილებებთან დაკავშირებით აღინიშნა, რომ განკარგულებაში არ იყო განსაზღვრული პირობა, რის გარეშეც არ არის მიზანშეწონილი ქონების გასხვისება.

თელავის მუნიციპალიტეტის სპორტის განვითარების 2019-2025 წლების სტრატეგიის შესახებ წარმოდგენილ პროექტთან დაკავშირებით აღინიშნა, რომ შესაბამისი კომისიის სხდომაზე განხილვის შემდგომ აღმოჩენილია გარკვეული ხარვეზები, რომლებიც აუცილებელია გასწორდეს საკრებულოს სხდომამდე.

მ.ჩაფურიშვილმა საკრებულოს მორიგი სხდომის დღის წესრიგში შესატანად წარმოადგინა საკითხები:

1. თელავის მუნიციპალიტეტის საკრებულოს 2018 წლის 23 მარტის N41 დადგენილებაში „თელავის მუნიციპალიტეტის გენდერული თანასწორობის საბჭოს დებულების დამტკიცების შესახებ“ ცვლილების შეტანის თაობაზე.

2. თელავის მუნიციპალიტეტის საკრებულოს წევრების მიერ მუნიციპალიტეტის ამომრჩევლებთან საჯარო შეხვედრების მოწყობის წესისა და გაწეული საქმიანობის ანგარიშის ფორმის დამტკიცების შესახებ.

გადაწყვეტეს: მიმდინარე წლის 28 სექტემბერს, 12.00 საათზე მოწვეულ იქნეს თელავის მუნიციპალიტეტის საკრებულოს მორიგი სხდომა შემდეგი დღის წესრიგით:

1. თელავის მუნიციპალიტეტის საკრებულოს ფრაქციის „ქართული ოცნება-მწვანეები“ დაფუძნების შესახებ.

მომხს. ნ.ხვისტანი

12.00სთ-დან -12.15სთ-მდე

2. თელავის მუნიციპალიტეტის საკრებულოს 2018 წლის 30 ივლისის №41 განკარგულებაში „თელავის მუნიციპალიტეტის საკუთრებაში არსებული უძრავი ქონების საპრივატიზაციო ნუსხაში შეტანისა და პრივატიზების გეგმის დამტკიცების შესახებ“ ცვლილების შეტანის თაობაზე.

მომხს. გ.თავბერიძე

12.15სთ-დან -12.30სთ-მდე

3. თელავის მუნიციპალიტეტში სპორტის განვითარების 2019-2025 წლების სტრატეგიის დამტკიცების შესახებ.

მომხს. ფ.ყურშიტაშვილი

12.30სთ-დან -12.45 სთ-მდე

4. თელავის მუნიციპალიტეტის საკრებულოს 2018 წლის 23 მარტის N41 დადგენილებაში „თელავის მუნიციპალიტეტის გენდერული თანასწორობის საბჭოს დებულების დამტკიცების შესახებ“ ცვლილების შეტანის თაობაზე.

მომხს. ნ.ხვისტანი

12.45სთ-დან -13.00 სთ-მდე

5. თელავის მუნიციპალიტეტის საკრებულოს წევრების მიერ მუნიციპალიტეტის ამომრჩევლებთან საჯარო შეხვედრების მოწყობის წესისა და გაწეული საქმიანობის ანგარიშის ფორმის დამტკიცების შესახებ.

მომხს. ნ.ხვისტანი

13.00სთ-დან -13.15 სთ-მდე

საკრებულოს თავმჯდომარე



არჩილი თხლაშიძე